



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>






Vet. Fr. III B.2453





**LE BLAZON**  
**DES**  
**HERETIQUES.**

*Se vend à Paris,*  
**CHEZ TECHENER,**  
**Libraire, Place du Louvre, N° 12.**





# Le blazon des heretiques



De par la court

*Extraict des Registres de Parlement.*

Sur la requeste baillee par Phelippe Le Noir relieur iure en luniversite de Paris. Par laquelle il requeroit luy estre permys exposer en vente vng petit liure intitule le Blazon des Heretiques et que deffenses fussent faictes a tous libraires imprimeurs et aultres quil appartiendra de ne imprimer ne exposer en vente ledict liure jusques a deux ou troys ans sur certaines grosses paines et damende arbitraire. Veu par la Court ladicte requeste a laquelle ledict liure estoit attache. Et tout considere. Ladicte Court a permys et permet audict Le Noir suppliant de faire imprimer et exposer en vente ledict liure intitule comme dict est le Blazon des Heretiques jusques a vng an tant seullement. Pendant lequel temps icelle Court fait deffenses a tous imprimeurs libraires et aultres quil appartiendra de ne imprimer ne vendre icelluy liure sur paine de confiscation desdictz liures et damende arbitraire. Faict en Parlement le vingt vngiesme iour de decembre lan mil cinq cens vingt quatre.

Collation est faicte. Ainsi signe F. DU TILLET.

# LA DESCRIPTION

## FIGVRE OU EFFIGIE

### DE LHERETICQVE.

**D**e tous estatz lhereticque veult estre  
Maistre et seigneur pour humains decevoir  
Son effigie a tous peult apparoistre  
Difficile est et tresfort a congnoistre  
Voullant en mal apliquer son scauoir  
En gibeciere on luy voit ratz auoir  
Qui sont rongeurs et serpens detestables  
En son giron faisant mords diffamables  
De son sain sort ung aspre feu vollant  
Qui cueur et corps et liures est bruslant  
Et fault noter ces trois choses dernieres  
Remunerer leur maistre coustumieres  
En la parfin selon leur naturel  
Soit temporel ou espirituel  
Après que ont fait choses irregulieres  
Comme chacun le peult apparcevoir  
Lhereticque est subtil a decevoir  
Les simples gens et sugect a debatre  
Contre les fors et puissans pour abatre  
Et esbahyr gens non clerz par ses dictz  
Oultrecuidez esmeuent contredictz.

*ESPITRE adressant a tres illustre tres hault  
et tres redoubte prince Anthoine duc de Ca-  
labre Lorraine : et Bar Marchis Marquis  
de Pont presentee audict prince et seigneur  
par Pierre Gringore dict Vaudemont son  
herault darmes compilateur dicelle.*

Ne tesbahys mon seigneur et mon maistre  
Si heresie en leglise vois mettre  
Par gens nommez lutheriens peruers  
Voullans la foy Iesus mettre a lenuers  
Car ce permect prouidence diuine  
Affin que les fidelles par doctrine  
Et vrays crestiens soient plus astus scauoir  
Les saintz esperitz et faire leur deuoir  
De expulser hors heresie erronique  
Pour obuier a sa faulce trafficque  
Qui ses seruans de grace Dieu desuoye  
Te aduertissant que la premiere voye  
Qui tent venir par sotte abuson  
A heresie est la presumption  
Du propre sens de lhomme qui pense estre  
Trop saige et cler de soy mesmes et congnoistre  
Plus quil ne doit la diffinition  
De heresie est nommee erection  
Dhomme qui veult par subtile maniere  
Oppinion tenir particuliere  
En delaissant doctrine des recteurs  
De militaire esglise et saintz docteurs

Oultre le sens du saint esperit entendre  
 Comment aussi qui nourrist et engendre  
 Ou ensuyt faulse et folle intencion  
 Noualite destrange oppinion  
 Pour son prouffit particulier ou gloire  
 Plus que nul aultre est mys au repertoire  
 Des pertinax nonobstant ses argus

Le premier fut nommé Symon Magus  
 Du temps Neron qui fist tres dure guerre  
 Contre le bon et deuot pape Pierre  
 Qui le banist dauec luy et maudit  
 Publicquement pour cause qui vendit  
 Comme giez du saint esperit la grace  
 Dont scimonie a prins non et race  
 Qui regne encore ses faitz sont trop congneuz

Menandrians aussi sont souruenuz  
 En soustenans par dictz a nous estranges  
 Que les saintz cieulx ont este par les anges  
 Faictz et bastitz ce qui est incertain  
 Car ung Dieu seul les a faictz de sa main  
 Lequel peult tout comme il veult humains guyde

Vng hereticque appelle Basilide  
 Dist que Iesus le quel se estoit offert  
 Mourir pour nous nauoit en riens souffert  
 Dessus sa croix. Mais de telle cautelle  
 Fut conuaincu peine endura mortelle  
 Voullant purger le mal que fist Adam

Vng Nicolas fut en Iherusalem  
 Durant le temps du martir saint Estienne  
 Par mariage eust vne femme sienne

Qui belle estoit mais il en ordonna  
 Si laschement que a tous lhabandonna  
 En soustenant que naturel ouuraige  
 Doit commune estre a tous en mariage  
 Sans espargner femme ou fille daultruy  
 Ses aliez et consors avec luy  
 Sont appelez et ditz nicolaistes  
 Et condampnez de leurs erreurs maudictes  
 En leur prouuant que on ne doit faire ainsi  
 Vindrent apres gens nommez goustici  
 Eulx disant estre experts par excellence  
 Plus que nul aultre en parfaicte science  
 Ont voulu prendre et auoir vng tel nom  
 Pour augmenter et croistre leur renom  
 En alleguant contre sainte escripture  
 Et soustenant lame estre vne nature  
 En Dieu faignant que le mal et le bien  
 Est tout en Dieu mais leur subtil moyen  
 Fut trouue faulx plain de venin et raige  
 Et que fol est qui cuyde estre trop saige  
 Gens moderez sont repetez sciens  
 Aultres nommez les carpocraciens  
 Dirent Iesus filz de la vierge Marie  
 Seulement homme et ne dhomme et femme  
 En denyant ses diuines vertus  
 Vng aultre fut appelle Cherintus  
 Cherisiens ses consors dictz estoient  
 Qui en publicque et segrect obseruoient  
 A leur pouoir la circonsicion  
 Disans que apres la resurrection

Nous serions en volupte charnelle  
 Encore mille ans la verite nest telle  
 Du saint esperit ne sont praticiens  
     Nazaréi et ses nazariens  
 Le filz de Dieu dirent et confesserent  
 Mais de la loy crist de tous pointz delaisserent  
 En obseruant et gardant seulement  
 Pour leur plaisir lancien testament  
 Et nostre foy nouuelle denyerent  
     Aulcuns apres offites sappellerent  
 Pour vng serpent que on nommoit ainsi  
 En ladorant et luy criant mercy  
 Voullant prouuer par leur inscipience  
 Que le serpent de vertus congnoissance  
 En paradis a mise il nen en est rien  
     Sur rang se mist le fol Valencien  
 En lan de crist cent et quarante quatre  
 Delibere de nostre foy abatre  
 En soustenant quant crist se transporta  
 Du ciel ca bas que son corps aporta  
 Faict et forme en la maniere comme  
 On le voit naturel et pur homme  
 Et que cestoit com par fustulle ou canal  
 Passe dedans le ventre virginal  
 De lhumble vierge et tres sainte pucelle  
 Sans auoir prins substance et chair en elle  
 Mais le meschant en erreur obstine  
 Fut conuaincu et par droict condampne  
 Et repute fol inepte hereticque  
 Par Yginus grec pape catholicque

Qui de lerreur fat prudent correcteur  
 Aulcuns aussi dirent le createur  
 Auoir este vng ange laudatoire  
 Denyant crist filz de Dieu estre en gloire  
 Telles gens ont de appellites le nom  
 Incontinent se eslena Marcion  
 Grant philosophe et les marcionistes  
 Ses aliez qui contre loix escriptes  
 Ont soutenu deux dieux en leur sermon  
 Lung seullement iuste estre et lautre bon  
 Cest assauoir que lung estoit propice  
 A vng chascun faisoit iuste iustice  
 Et lautre doux piteulx misericords •  
 Qui pardonnoit tous debatz discords  
 Mais il fut dit que touchant cest affaire  
 Correction y estoit necessaire  
 Pour abolir leur erronique mal  
 Nouatus prestre a Romme desloyal  
 Fut conuoiteux de soy faire congnoistre  
 Pape de Romme et quant ne le peult estre  
 Son heresie il voulut reueiller  
 En soustenant que on deuoit mesler  
 Choses qui sont diuines et certaines  
 Couuertement auecques les humaines  
 Parquoy fut dit lhereticque prescheur.  
 Apres voulut soustenir que vng pecheur  
 Quelque bien faict quil feist ou penitence  
 Ne fut receu soubz papalle puissance  
 A obtenir quelque grace ou mercy  
 Pape Felix premier regnoit aussi



Se fut du temps Gordian prudent homme  
 Imperateur premier chrestien a Romme :  
 Ce Nouatus rommain tres obstine  
 Fut par soixante euesques condampne  
 Comme erronnicque et de vie coupable  
 Aultre erreur fut folle et irraisonnable  
 Que vng ygnorant et barbare esleua  
 Lequel feist tant que douze hommes trouua  
 Ses aliez et disciples pour dire  
 Et tesmoigner quil estoit crist : Contredire  
 Voulut a ce ledit Felix : Parquoy  
 De plus en plus augmenta nostre loy.  
 Cest hereticque emply derreur diuerse  
 Estoyt partout nomme Manes de Perse  
 Puis Manichee et ses manicheaulx  
 Remply derreur comme subtilz et caulx  
 Dirent aulx clerics qui a eulx dispuoient  
 Que sans doubter deux principes estoient  
 Lors furent dictz menteurs prophetizans  
 Furent aussi cathafriges disans  
 Pour mieulx courrir leur erreur et falace  
 Que auoient receu du saint esperit la grace  
 Et non les saintz apostres de Iesus  
 Mais en la fin par clerics furent confuz  
 En approuuant leur oppinion sottie  
 Tesanus fut homme prudent tres docte  
 Et clerc expert en grec et en latin  
 Tandis quil tint loppinion Iustin  
 Et florissant en la sainte escripture  
 Apres enfle de sa literature

Vne nouuelle heresie il mist sus  
 Que augmenta lors vng nomme Seuerus  
 Ses sectateurs seueriens se doyuent  
 Ainsi nommer qui iamais vin ne boyuent  
 Abhorrans chair manger pareillement  
 Et non croyans l'ancien testament  
 Voullant nyer resurrection d'homme  
 Ce fut du temps que pape Pie a Romme  
 Premier de nom regna tres uertueux  
 Anthoine aussi empereur dict piteux

En lan deux cens quarante quatre furent  
 Rommains sugectz a Deciam que esleurent  
 Imperateur tres fier fut et cruel  
 Et des crestiens grant ennemy mortel  
 Lequel commist choses irregulieres

Durant ce temps de martirs deux manieres  
 On pouuoit veoir asprement se eschauffer  
 Tant de Iesus que de dyables denfer

Or est ainsi que martirs de crist furent  
 Les papes saintz et prelatz qui peine eurent  
 De soustenir la foy iusques a la mort  
 Et les martirs du dyable par effort  
 Voullans auoir la pompe et les delices  
 Du monde avec richesses auarices  
 Luxure orgueil se sont euertuez  
 Lung contre lautre et par ire tuez

Mais chascun scait que en royaulme et empire  
 Au temps present on fait encore pire  
 Aussi martirs du dyable nous voyons  
 Pour le iourdhui et plus parler noyons

Des saintz martirs de Iesus qui bataillent  
 Contre heresie et en son lieu lassaillent  
 Durant lempire au paruers Deciam

Après la mort du pape Fabien  
 Que Claudius fut empereur bellicque  
 Contre les Gotz il fut vng hereticque  
 Subtil en mal nomme Sabellius  
 Lors pape grec fut Dionysius

Ce hereticque et dyable voulut dire  
 Que Iesuchrist nostre maistre et sire  
 Nestoit le filz de Dieu le createur  
 Qui fut trouue execrable menteur  
 Et son erreur de tous poinctz consommee

Lors Constantin de grande renommee  
 Après que on leust imperateur esleu  
 De tous chrestiens se trouua bien voullu  
 Car franchement en paix les laissa estre

Or en son temps estoit pape Siluestre  
 Qui mains decretz saigement ordonna  
 Toute heresie et erreur condempna  
 Et luy sembla Siluestre vng homme ydoine  
 Pour de saint Pierre auoir le patrimoine  
 Ce Constantin imperateur rommain  
 Luy donna Romme et le mist en sa main  
 Et Ytallie ainsi que debonnaire  
 Leglise a de passe fait a faire

Comme lisons par vng temps a este  
 Deuotement viuant en pourete  
 La dignite sainte et spirituelle  
 Ne eust pour ce temps que soubz la charge telle

De souffrir mort tant que Siluestre tint  
 Le bien mondain toutesfoys il le print.  
 Comme les clerks en sont bien aduertiz  
 Soubz Constantin qui luy donna gratiz  
 A celle fin que eglise militante  
 Prescher la foy Iesus fut plus ardante  
 Durant ce temps lhereticque Ariam  
 Faulx ypocrite ayment bien terrien  
 La trinite croyoit especialle  
 Mais lunité nyoit essenciale  
 Qui affligea leglise en telle sorte  
 Que faicte fut moins que elle nestoit forte  
 Car Constantin Constans aussi Constant  
 Qui furent filz de Constantin le grant  
 Non comme feist leur pere donnerent  
 Mais leur empire en troys pars deuiserent  
 Et firent tant de guerres et assaulx  
 Denormes faictz et execrables maulx  
 Que Constantin et Constant demeurèrent  
 En la bataille ou tout honneur laisserent  
 Ainsi Constans empereur fut tout seul  
 Les arriens le firent a leur vueil  
 Parquoy voulut la chrestiente submettre  
 A leur plaisir qui a mort firent mettre  
 Plusieurs crestiens. Lors vng consille fut  
 A Nytia de compte faict y eust  
 Troys cens dix huit euesques gens notables  
 Saints glorieux prudens et charitables  
 Dont saint Siluestre auoit faict vng amas  
 Qui larien rendirent contumax

En sa presence avec son heresie  
 Comme erronickue et plain de frenaisie  
 Et firent lors les euesques preditz  
 Le saint symbole ou credo que en beaulx dictz  
 Chantent prelatz et prestres a la messe

Puis Donatus par cautelle et finesse  
 Cuydant venir de sa follye a chef  
 Fist baptizer les crestiens de rechief  
 Et soustenoit ce mauldict hereticque  
 Quil ny auoit eglise que Affrique  
 Voullant tenir crestiens en son lien

Après suruint vng nomme Iulien  
 Qui fust crestien puis moyne plain de vice  
 Aymant erreur et mondaine auarice  
 Lequel deuint erronickue enchanteur  
 Et apostat après imperateur

Auguste dict en se efforssant de nuyre  
 A crestiente et du tout la destruire  
 Et nonobstant quil y mist paine et cure  
 Fut corrige par le martir Mercure  
 Qui le pugnist voire diuinement  
 Otempereant au saint commandement  
 De lhumble Vierge et mere Dieu Marie  
 Par le voulloir de trine seigneurie  
 Ce fut du temps pape Liberius

Lors se mist sus lheresie Ermonius  
 Lache de cueur ord et lepreux en ame  
 Voullant donner au nom de Iesus blasme  
 Lequel fut ne de Vierge humainement  
 Dist quil nestoit semblable aulcunement



A Dieu le pere en nature et en face  
 Mais seullement son filz ayme par grace  
 Qui fut confuz de ce quil soustenoit  
     Macedonius hereticque nyoit  
 Le saint esperit dire estre egal du pere  
 Du filz aussi pour telle vitupere.  
 Que lhereticque aux cueurs humains entoit  
 Qui contre droict et verite mentoit  
 Condepne fut par raison legitime  
     Durant ce temps fut le deuxiesme scisme  
 Car le predict Liberius moyens  
 Voullant trouuer supporter Arrians  
 Dont fut chasse ainsi comme hereticque  
 En le expulsant du siege apostolicque  
 Et par prelatz et docteurs recuse  
 Comme hereticque Arian abuse  
 Ainsi acquist par erronicque blasme  
 Le premier nom de pape a Romme infame  
     Durant lempire au temps Archadius  
 Que a Romme fut pape Anastasius  
 Pelagius Celestin hereticque  
 Et Iulien euesque malleficque  
 Cuydant chrestiens hors de la foy bannir  
 Publicquement voulurent soustenir  
 Que lhomme peult bien meriter sans grace  
 Et que baptesme ou priere quon face  
 Dedans leglise on ne doit estimer  
     Ce heresie a voulu fort blasmer  
 Saint Augustin docteur de renommee  
 Pelagienne en son nom est nommee

Laquelle fut du temps Honorius  
 Par le decret pape Innocencius  
 Et le clerge ainsi que en erreur nee  
 Par saintz prelatz et docteurs condempnee  
 Et mesmement tous les erarsiarages  
 Sans estandars guydons escuz ni targès  
 Car par science ilz en vindrent a bout  
 Par le vouloir de Iesus qui peult tout

Or aduint que durant Boniface  
 Timoteus pour couurir sa fallace  
 Disoit Iesus en toute place et lieu  
 Estre vray homme et le seul filz de Dieu  
 Mais adioutoit vne faulte maline  
 En soustenant que nature diuine  
 Fut conuertie en nostre humanite

Eraclites contre diuinite  
 Vne heresie esleua tres mauuaise  
 Par le parler de sa bouche punaise  
 En soustenant que tous les hommes nez  
 Lesquelz estans en mal predestinez  
 Ne prouffitoit vertueusement viure

Mais il ne fault vn tel presaigne ensuyure  
 Car en Carthage en veit en appareil  
 Deux cens dix huyt bons peres en conseil  
 Ou le docteur Augustin plain de grace  
 Fut triumpphant encontre la fallace  
 Pelagius et si bien le vainquist  
 Que en ses erreurs depuis honneur ne acquist

Nestorius qui Constantinoble eust  
 Pour euesche faulx hereticque fut

Car il disoit et soustenoit en somme  
 Que Iesuchrist seullement fut pur homme  
 Mais le mauldict de lerreur inuenteur  
 Fut conuaincu comme lache menteur  
 Et aboly son art et malefice  
 Aultre hereticque en nom nomme Eutice  
 Constantinoble eust en possession  
 Ainsi que abbe pour resollucion  
 Fort abuse en sa clericature  
 Disant que vne mesme nature  
 Diuinite aussi lhumanite  
 De Iesuchrist contre la verite

Au temps Felix quatriesme les Vendailles  
 Comme Arrians ont faict des choses malles  
 Contre chrestiens les voullant molester  
 Et lesloquence a leur pouoir oster  
 En decouppant et detrenchant leurs langues  
 Mais non obstant faisoient leurs harengues  
 En louant Dieu sans perdre le parler  
 Pour ses beaulx saintz en publicque reueller  
 Et que aultre dieu nest requis que on adore  
 Vng hereticque appelle Theodore  
 Ayant en soy diabolicque esperit  
 Dist vng vray dieu estre aultre Iesuchrist  
 Et que Marie humble Vierge pucelle  
 Ne fut de Dieu mere pure et ancelle  
 Mais fut la mere a Iesus seullement  
 Dont fut confus il mentoit faulcement  
 En ame et corps est aux saintz cieulx en gloire  
 Le bon prelat de Yspalanie Ysidore



Desprisa tant fort en faictz et que dictz  
 Les pertinax hereticques mauldictz  
 Son deuoir fist Machomet faire prendre  
 Qui en Espagne auoit voullu entendre  
 Faire vne loy plaine dabusion  
 Fugitif fut par persuasion  
 De lennemy lignominieux dyable  
 Sathan esprit dampne abhominable  
 Car pour son maistre auoir le desira  
 Arabiens a sa loy attyra  
 Disant auoir puissance tres parfaicte  
 Et quil estoit saint iuste et vray prophete  
 Transmis de Dieu. Sergius deuise  
 Auecques luy qui sa loy composa  
 Ou toute erreur et infamye habonde  
     Machomet fut vng deceueur du monde  
 Prophete faulx de Satham messaigier  
 Et president de antecrist mensongier  
 Fier et peruers hereticque en couraige  
 De maufuaistie final monstrant sa raige  
 Comme enchanteur et prince des larrons  
 Qui en discord mist princes et barons  
 Par le moyen de son maistre Satham  
     Fut vng second peruers Iheroboam  
 Qui la pluspart ousta de sa franchise  
 La grant maison de Dauid cest leglise  
 Ce Machomet print plaisirs et delictz  
 Aymer les gens de vertus abolis  
 Leur commandant de viure en conuoitise  
 Guerre debatz execrable faintise

Larcins cabatz fraudez charnalite  
 Ayant amour paix et honnestete  
 A sainte foy ayant controuersie  
 Sans tesmoignaige aulcun de prophetie  
 Et en sa foy ont tenuz sotz mortelz  
 Signes ne a faictz saintz supernaturelz  
 Mais pour enseigne doctrines folles fables  
 En promettant aux gens irraisonnables  
 Lords ignorans de viure en volupte  
 A leur plaisir faisant leur volonte  
 Liberaulx francs et laisser labouraige  
 Qui tire a soy commun peuple peu saige  
 Parquoy le Dieu qui tout scait et entent  
 Nous a montre que son ire dessend  
 Sur Machomet et sur ces machomistes  
 Non voullans croire aux saintz euangelistes  
 Ne aux vrays docteurs et saiges zelateurs  
 Des saintz esperitz certains expositeurs  
 Qui par grace ont saine pensee ague  
 Et si ne veult que sa loy on argue  
 Car il fist sa constitution  
 Sans argumens ne disputation  
 Disans que par puissance et faictz darmes  
 Pour soustenir ses assaulx et alarmes  
 Que hardy vaillant bellicateur  
 Transmis de Dieu du peuple protecteur  
 Et non venu pour monstre sa doctrine  
 Spirituelle et sainte medecine  
 Mais auoir gens par cens et millions  
 Pour donner ce que affiert a lyons

Et aux larrons et tirans plains de raiges  
 Et non a gens qui ont deuotz couraiges  
 Spirituelz et porteurs de la loy  
 Car par contraincte on ne peult auoir foy

Ainsy voit on que Machomet follatre  
 Et non saichant voulut la loy abatre  
 De Iesuchrist et nulle reputer

Après faillut saigement disputer  
 Contre vng mauldict hereticque larron  
 Qui se appelloit Monechelitarum  
 Disant que crist nostre seigneur et maistre  
 Comme il vouloit le donner a congnoistre  
 A vng chascun pour resolution  
 Ne auoir en soy que vne opperation  
 Et mesmement riens que vne voulente  
 Mais luy estant de lennemy temple  
 En soustenant ses dictz et vituperes  
 Par quatre vingtz et dix neuf saintz peres  
 Fut mis au renc des hommes non saichans

Philippe fut au nombre des meschans  
 Imperateurs qui hereticques furent  
 Durant son temps les catholiques eurent  
 Beaucoup de peine et excessifz trauaulx  
 Car il vouloit comme hereticque faulx  
 Que on ostast ymages de leglise  
 En les boutant pour en faire a sa guyse  
 Comme en la foy des rigle dissolust  
 Et a Gregoire aussi Leon voulust  
 Expressément commander telz oultrages  
 Qu'il fist destruire ou brusler les ymages

Sans en laisser en lesglise ou palays  
 Gregoire dist sont les liures de lays  
 Et simples gens nont la congnoissance  
 Des saintz esperitz resistant par puissance  
 Contre Leon commandant lopposite  
 Lors le pouoir de lempire introduicte  
 En heresie on abatit alors  
 Par vrays crestiens qui firent leurs effortz  
 A resister contre leurs heresies  
 Faisant cesser mauluaises fantasies  
 Car a bout vint de son intention  
 Contre heresie et veneration  
 De ymages est comme du passe faicte  
 Par icelluy dhereticques la secte  
 Fut en consille a Romme condampnee  
 Auec Leon et excommuniee  
 Et luy ostant rentes imperiales  
 Ledit Gringoire appella le roy Charles  
 Pour acheuer sa louable entreprinse  
 Par son moyen preserua sainte esglise  
 A qui lempire auoit eu maintz discords  
 Les Millannoys ont fait maulx griefz et tortz.  
 Contre raison a lesglise rommaine  
 En retenant ses biens et son domaine  
 Eulx rebellans et desobeissans  
 Durant lespace et temps de deux cens ans  
 Mais Federic a tout bien adonne  
 Qui de Lorraine estoit nacionne  
 Fut pape esleu et par son bon renom  
 Estienne dict neufiesme de ce nom

Incontinent que eut papalle puissance  
 Aux Millannoys fist faire obeissance  
 A la rommaine esglise comme au chef  
 De toutes les aultres et de rechef  
 Il increpa ainsi que magnanime  
 A lempereur Henry troyziesme crime  
 Destre hereticque et telle soustenoit  
 La cause fut car il diuinoit  
 Lautre priuillage et franchise  
 Que auoit la militante esglise  
 Sans voulloir faire honneur a ses consors

Vne heresie et erreur fut alors  
 Que Adriam pape en gloire temporelle  
 Estoit regnant lheresie estoit telle  
 Que Iesuchrist dirent filz adoptif  
 De Dieu le pere et mys sur ce estrif  
 Felice ayant la voulente mauldicte  
 Felicienne a depuis este dicte  
 Que les clers ont condampnee et de faict  
 Soustindrent crist vray filz de Dieu parfaict  
 Egal au pere en gloire et en puissance

Du temps que Alebart voulu subiuguer France  
 Soubz Boniface huytiesme grefuement  
 Furent templiers destruictz soubdainement  
 Dont les plus grans tous esmerucillez furent  
 Que telz seigneurs si soudaine mort eurent  
 Et que leur maistre en leur ordre a Paris  
 Fut lors brusle eulx aussi tous peris  
 La cause fut pource quilz confesserent  
 Que sur la croix tressaincte tous cracherent

Le desprisant comme en erreur confis  
 Obprobre ayans du benoist crucifix  
 La Nouarie heresie esleuee  
 Par Dulcius son prince fut trouuee  
 Nyant que crist notre saluation  
 Fut Dieu et homme apres lasumption  
 Mais il ne sceut tenir si grande audace  
 Que on ne congneust sa folie et fallace  
 Sa femme aussi Marguerite y estoit  
 Qui telle erreur a tous magnifestoit  
 En soustenant ses erreurs et malefices  
 Leurs aliez adherens et complices  
 Auecques eulx en grant nombre nombrez  
 Furent tous vifz trenchez et desmembrez  
 Et puis bruslez sans que nul en eschappe  
 Lors regnoit Iehan vingt deuxiesme pape  
 A Lyon fut vng fort riche bourgeoys  
 Que par son nom on appelloit Vauldoys  
 Voulloit laisser biens mondains et praticque  
 Pour pourete mener euangelicque  
 Les pources gens eurent de luy appuy  
 Vng tresgrant nombre auoit auecques luy  
 Escripre fist aucuns liures de Bible  
 Vulgairement en faisant le possible  
 De les vouloir au contraire exposer  
 Comme est requis prudemment les gloser  
 Car en ce cas fut imbecille et nice  
 Soy pourforçant a vsurper loffice  
 Des apostres saintz princes et veritez  
 Escripre fist plusieurs auctoritez

Des saintz docteurs, qui ne scauoit. entendre  
 Et les vouloit publicquement apprendre  
 A vng chascun et prescher en publicque  
 En deceuant simple peuple layque  
 Luy ses consors en erreur infectez  
 Par saiges clercz furent admonnestez  
 Laisser lerreur ausquelz ilz contredirent  
 A leur pouoir : car ilz leur respondirent  
 Que on deuoit mieulx obeyr et seruyr  
 A vng seul Dieu que aux hommes se asseruir  
 En mesprisant de toute leur puissance  
 Prelatz et clercz comme plains dignorance  
 En eulx disans et nommans plusieurs fois  
 La tierce rigle au pere saint François  
 Et soustenans disans leurs patenostres  
 Que Iesuchrist mesmement ses apostres  
 Qui ont vescu endure chault et froit  
 Ne eurent rien propre en commun ne en aulcun droit  
 Du saint esperit le droit leur attribue  
 Et mainte erreur par prelatz et clercz veue  
 Parquoy chassez ilz furent du pays  
 Et des prelatz et du clerge hays  
 Puis au conseil hereticques dictz furent  
 Ars et bruslez dont plusieurs pytie eurent  
 En leur voyant endurer si fort

Vng Symon fut vray conte de Montfort  
 Qui triompha contre les herecticques  
 Auec prelatz et deuotz catholicques  
 Si fermement soustint la foy Iesus  
 Qu'il desconfist cent mille hommes et plus

Et si nauoit avecques luy que huyt mille  
 Disant lerreur de hereticques utile  
 De tous crestiens ce fut enuiron lan  
 Que fut tenu le consille a Latran  
 Ou mille troys cens quinze prelatz furent  
 Qui les haultz faitz de Iesuchrist congneurent  
 Ausquelz par droit tous nous humilion  
 Pour lheresie aux poures de Lyon  
 Plusieurs Picquars soubz vmbre de bien faire  
 Firent des maulx on congност leur affaire  
 Dedans Paris pour leur erreur et mal  
 Furent bruslez aussi le general  
 Des myneurs fut avecques ses complices  
 Dict hereticque et expert en malice  
 Vng liseur fut excellent par renom  
 Fort estime qui de Parule auoit nom  
 Ayant en soy sy folle resuerie  
 Qui soustenoit que la Vierge Marie  
 Ne auoit este en ce monde mortel  
 Conceue sans peche originel  
 Mais en preschant telz motz a haulte alaine  
 Il tresbucha dune mort tres villaine  
 Comme de Dieu et sa mere maudit  
 Maistre Henry de Hassia le dit  
 Et que plusieurs des clerks qui escriuoient  
 De la matiere espouentez estoient  
 Narrant qui nest si saige ne discret  
 Qui soit capable enquerir du secret  
 Du createur de toutes creatures  
 Precongnissant toutes futures



Vne peruerse heresie se esleua  
 Que Iehan Vuyclef hereticque trouua  
 En Angleterre et Iehan Hus dedans Boesme  
 Qui par long temps fist vne peine extresme  
 A sainte esglise et ses deuotz enfans  
 Et fut regnante enuiron quarante ans  
 Cestuy Iehan Hus auoit pour compaignie  
 Auecques luy Iherosme de Pragnie  
 Qui comme caulx subtilz malicieux  
 Leur heresie ont seme en maintz lieux  
 Et demonstre ferocite lupine  
 Rempliz derreurs et de fraulde vulpine  
 Cherchant au monde auoir leur alibis  
 Dessoubz labit daygneaux ou de brebis  
 Eulx pretendans pour leur papellardise  
 De subuertir lestat de sainte esglise

Mais a Constance vng concille se fist  
 Mille quatre cens et seize au grant prouffit  
 De sainte esglise estant fort abolie  
 Par telle erreur et foy quasi faillie  
 Auquel concille a este fort reprins  
 Ledit Iean Hus et Iherosme et puis prins  
 Aprehendez et bruslez par iustice

Tantost apres vint vng homme plain de vice  
 Faulx hereticque et de la foy larron  
 Quon appelloit lors Adamitarum  
 En Boesme estoit son heresie empraincte  
 Mais on la vit incontinent estaincte  
 Car villains cas furent en eulx congus  
 Parmy les champs et les villes tous nudz

Pour leur plaisir et voulente alloient  
 Publicquement et la luxurioient  
 Mais Sigismond puissant imperateur  
 De leurs erreurs fut hastif correcteur  
 Boesme gasta et fut habandonnee  
 A feu et sang et la croisee donnee  
 Encontre tous herectiques peruers  
 Ou boesmyens eurent assaulx diuers

Or fault noter que hereticques sur terre  
 Se sont esmeuz durant que regnoit guerre  
 Et font encore tu le voys de present  
 Dont peuple nest de pourete exempt  
 Mais vit en dueil en trauail et en peine  
 Soubz faulx discord et bataille inhumaine  
 Et cela vient ainsi comme ientendz  
 Par fier orgueil car il y a trois temps  
 Fort different que les humains poursuyuent  
 Lesquelz tousiours lung apres lautre suyuent  
 Que declairer ie veulx par bons moyens  
 Le premier est a habondance de biens  
 Car ceulx qui sont habondans en richesse  
 Veulent monstrar leur puissance et prouesse  
 Et lors se esmeut vng merueilleux discord  
 Lung contre lautre a q̃ui sera plus fort  
 Lung ne permect a lautre faire place  
 Iusques a ce que la guerre se face  
 Et peu a peu en maisons et hostelz  
 Villes et champs biens sont rauiz oustez  
 De toutes parts par tailles et pillages  
 Exces larcins et merueilleux oultraiges

Ainsi telz gens mutillez et greuez  
 On ne voit plus en orgueil esleuez  
 Humiliez sont par guerre mortelle  
 Qui dessus eulx et sur leur bien martelle  
 Cest le premier des troys temps. Le second  
 Est quant humains tresgrande deffaulte ont  
 De biens mondains voyans leur indigence  
 Et pourete ilz prennent pacience  
 Et sont prudens pour la crudelite  
 De la famine et la mortalite  
 Ou de guerre en craignant de commectre  
 Aucuns pechez. Lors se veullent submectre  
 A la raison viuans tempereement  
 En labourant actuellement  
 Et non ainsi comme ilz le pensent faire  
 Pour suruenir a leur petit affaire  
 Car par les champs et manoirs sont paoureux  
 De remonstrer aucuns aduantureux  
 Quant le tiers temps tempere de rechef  
 Vient aux humains apres leur grief meschef  
 Cueurs gros enfléz commencerent a rendre  
 Deliberez du discord entreprendre  
 Comme deuant et se peult bien vanter  
 Richesse auoir puissance danfanter  
 Inimitie qui garde ne a quel faille  
 Dung peruers fruct enfanter cest bataille  
 Et puis bataille a tousiours enfante  
 Necessite malheur et pourete  
 Ainsy tu veoyz que au miserable monde  
 Apres richesses et biens guerre y habonde

Et pourete par la guerre a son cours  
 Parquoy conuient auoir vers Dieu recours  
 Considerant guerre et choses herites  
 Venir au monde et noz demerites

Au temps present veons Martin Luther  
 Contre lesglise et la foy christ luter  
 Colecteur est dheresies passees  
 Que saiges clerchez ont du passe cassees  
 Et en a faitz volumes plus que assez  
 Pour plaisir par maintz lieux dispersez  
 A son discorder les esglises unies  
 Et de priuer saintes cerimonies  
 Pareillement les doctrines et dictz  
 Des bienheurez estans en paradis  
 Irreuerant a louer les loix saines  
 Que nous disons diuines et humaines  
 A la iacture et la destruction  
 De tous prelatz et diminution  
 De la noblesse y mettant contredit  
 Car ce quil a allegue presche et dit  
 Est declaire en concilles publicques  
 De nul effect et ses dictz erronicques  
 Et ses consors de grace de Dieu prieuez  
 Par trop cuyder plusieurs sont sotz trouuez

Ainsi Luther avecques ses complices  
 Expers et durtz en subtiles malices  
 Le populaire ont si fort saborne  
 Que en leur erreur sest tire et tourne  
 En mariant prestres curez chanoynes  
 Abbez prieurs mendiens et les moynes

Auec nonnains romphans religion  
 Et infecte quasi la region  
 De Germanie en leur faulse heresie  
 Que a corriger nest vne chose aisie  
 Car nonobstant que clercz ont fait escripre  
 De lhumble Vierge et mere a Iesuchrist  
 Ilz ont presche comme plains de cautelle  
 Qui nest requis de supplier ycelle  
 Et que enuers Dieu nulle puissance ne a  
 Faisant cesser le Salue Regina  
 Cest le salut que luy font gens honnestes  
 Pareillement ses veilles et ses festes  
 Qui est contraire aux anciens docteurs  
 Et saintz de Dieu certains predicateurs  
 Qui de la Vierge ont tousiours fait memoire  
 Sont ilz plus clerks que ne fut saint Gregoire  
 Ou saint Iherosme Ambroise et Augustin  
 Qui lont loue en vulgaire et latin  
 Et saint Bernard qui fut tant debonnaire  
 Ignasce aussi son prudent secretaire  
 A qui le cueur de son corps on tira  
 La fut trouue Iesus et Maria  
 Dedans emprainct en tres belle escripture  
 De lettre dor en faisant la couppure  
 Dicelluy cueur de platz et de trauers  
 Et ses gourmans lutheriens peruers  
 En disent mal comme pillars incestes  
 Ce que ne font patriarches prophetes  
 Sibilles roys qui ont diuinement  
 Prophetise que virginalement



Naistroit le Christ dune Vierge pucelle  
 Octouien aux saintz cieulx la veit telle  
 Tenant son filz en vng luysant soleil  
 Qui ladora comme le nompareil  
 En se rendant dessoubz sa main seruille  
 Mais que en a dict le poete Virgille  
 Lequel estoit payen et Symeon  
 Qui repute fut tressainct iuste et bon  
 Scait on pas bien que Iesus choses grosses  
 Pour sa mere a faictes en vnes nopces  
 De Galilee ou fut Architriclin  
 A sa priere elle mua leau en vin  
 Il se voulut a icelle apparoistre  
 Apres sa mort et aussi luy transmettre  
 Le saint esperit et son corps glorieux  
 Il fist monter lassus es diuins cieulx  
 Ou impascible est en gloire assouuie  
 Ce vueille ou non lutherienne enuye  
 Qui en karesme a permis chair menger  
 Et soustenu quil ny a nul danger  
 Vie mener bestialle et gourmande  
 Aux quatre temps mengeant chair et viande  
 Et sans ieusner vendredis samedis  
 Veilles de saintz lutheriens telz dictz  
 Veullent prescher qui sont plain de faintise  
 Lubricite erreur et gourmandise  
 Voullans greuer la trescrestienne loy  
 Car les prelatz augmentateurs de foy  
 Pour preseruer de mal le corps et lame  
 Cheoir ou tumber en linfernalle flamme

Du feu denfer ont voulu ordonner  
 Faire abstinence et aulcun temps ieusner  
 Car trop menger maladie au corps liure  
 Et abstinence a deite faict viure  
 Les hommes saintz desperit en chascun lieu  
 Et qui mieulx vault auoir grace de Dieu  
 Et gourmandise est cause de luxure  
 Qui aux humains en fin est aspre et seure  
 Ainsi Luther ses consors et vassaulx  
 Viuent ainsi que en vng toict les pourceaulx  
 Blasmant lesglise et prestres venerables  
 En esperant bons faire a eulx semblables  
 Hayans raison prudence et verite  
 Voullans commun viure en auctorite  
 En desprisant prudens docteurs et saiges  
 Qui desglise ont soustenu les vsaiges  
 Et ont este en vertus si parfaictz  
 Moyennant christ que miracles ont faitz  
 Et lutheriens ne font pour abreger  
 Miracles fors de yurongner et menger  
 Hayans honneur paix amytiie concorde  
 Prenans plaisir prescher vne vie orde  
 Car la plus part de leurs entendemens  
 Est de priser saintz deuotz sacremens  
 Et les bailler a vng chascun sans faire  
 Confession deuote et salutaire  
 Sans en auoir crainte doubte ou merreur  
 Ainsi concluz que la nouuelle erreur  
 Qui ce met sus pour gaster les prouinces  
 Pareillement discension des princes

Comme de Turcs infidelles payens  
 Qui font assaulx et la guerre aux chrestiens  
 Et mesmement barbares et gens darmes  
 Les boutefeux en leurs malices fermes  
 Grandes caues peu de bledz et de vins  
 Adiouster foy a sorciers a deuins  
 Et croire trop en grande seigneurie  
 Ieune conseil et aymer flaterie  
 Parquoy les maulx que ay deuant recitez  
 Lesquelz veons en villes champs citez  
 Cloistres esglises manoirs forteresses  
 Et abolir biens mondains et richesses  
 Nos grands pechez en sont la cause aussi  
 Remedier est requis sur cecy  
 Et mettre ius cest erreur qui procede  
 Du faulx Luther car du passe succede  
 Comme est dessus redige par escript  
 Des precusseurs enfens de lantechrist  
 Qui leurs subiectz mainent a fin damnable  
 Laissant chascun soit riche ou miserable  
 A son plaisir viure comme il entend  
 De mon escript te plaise estre contend  
 Mettant ce dict et prouerbe en memoire  
 Garder la foy cest chose meritoire.



## LACTEV.

Gardons nous bien de corrompre la loy  
 Recongnissons nostre Dieu qui la faicte  
 Impossible est de luy plaire sans foy  
 Nourrist nous peult cest le christ et vray roy  
 Grant tout puissant veritable prophete  
 Ostons erreur car ce nest que decepte  
 Rememorant qui nen vient nul prouffit  
 En disant foy pour nous sauluer suffit.

Cy finist le Blazon des Hereticques.



PIERRE GRINGORE, ou GRINGOIRE, dit VAUDEMONT, qui prit aussi le surnom de *Mère Sotte*, est l'un des poètes les plus féconds du xvi<sup>e</sup> siècle. Il paraît qu'il naquit en Lorraine, et qu'il vint à Paris vers 1510. Il vivait encore en 1544, mais on ignore le lieu et l'époque de sa mort. Tous ses ouvrages sont rares et recherchés. Il était assez bon poète pour son temps, et son style, dit l'abbé Goujet, a plus de netteté que la plupart de ses contemporains qui se mêlaient d'écrire en vers. Il était connu de Louis XII par l'ordre duquel il avoit composé sa pièce intitulée *Le jeu du Prince des Sots et Mère Sotte, joué aux halles de Paris le mardi gras de l'an 1511*. Il y joua le rôle de *Mère Sotte*. (V. *les Antiquités de Paris*, par Sauval, tome 3). C'était durant le cours des différends de Louis XII avec le pape Jules II et la république de Venise. Debure, en sa Bibliographie, cite 18 ouvrages de Gringore. M. Brunet, en son Manuel, t. 2, p. 123-126, donne les titres de 20 ouvrages, ajoutant que Duverdier lui attribue encore entr'autres *le Blazon des Herétiques*. L'abbé Goujet, t. XI, p. 212-242 de sa Bibliothèque franç., parle du *Blazon*, mais en disant que c'est sur l'indication de Duverdier. Nicéron, t. 34 de ses Mém., n'annonce que 16 des poèmes de Gringore, au nombre desquels il met *le Blazon*, mais sur la foi de Duverdier. Lacroix du Maine ne parle pas du *Blazon*. M. Weiss, dans son excellent article de Gringore, au tome 18 de la Biographie univ., porte à 26 le nombre des ouvrages dont il donne la liste et cite *le Blazon*. Aucun de ces auteurs n'a vu *le Blazon*. M. Méon nous paraît être le seul qui en ait eu connaissance, mais elle était très-imparfaite, et cependant elle lui a suffi pour en constater l'existence et en donner une légère idée. Il voulut le réimprimer dans ses *Blazons*, poésies anciennes, Paris, 1809, in-8. Voici comme il s'exprime : « *Blazon des Herétiques*. — *Pierre Gringore*. — Il y a au frontispice une figure très-satyrique qui couvre toute la page, de format in-4, et au bas *De parla Court*. Au dos du frontispice est un privilège. . . — *Le fragment de cette pièce qui manque dans toutes les bibliothèques de la capitale*, est de huit feuillets, et m'a été communiqué par M. Chardin. C'est une histoire abrégée des principaux hérésiarques, jusqu'aux monothéistes, vers le vii<sup>e</sup> siècle ». On doit donc regarder ce *Blazon* comme une des pièces les plus rares. Méon nous atteste qu'elle n'existait dans aucune des bibliothèques de la capitale, et il nous ajoute qu'il n'en a connu que ce fragment qui lui fut communiqué par M. Chardin, très-savant libraire et grand connaisseur, qui certes devait attacher beaucoup d'importance à ce fragment, puisqu'il l'avait conservé.

Nous nous estimons très-heureux d'avoir recouvré cette pièce raris-

sime , que nous nous empressons de publier sur un exemplaire parfaitement conservé qui est peut-être le seul existant en France. Il est composé de 14 feuillets donnant 28 pages , signaturés *a, b, c, d*, imprimés en caractères gothiques, ayant 7 pouces de hauteur et 5 pouces de largeur, non rogné , parfaitement conservé. Le frontispice est composé de la figure très-satyrique que nous reproduisons , portant au haut ces mots : *Blazon des Heretiques*, et ceux-ci au bas : *De par la Court*. Le privilège daté du 21 décembre 1524, est imprimé au verso de ce frontispice. Le recto du second feuillet contient *la Description figure ou effigie de lheretique* en 21 vers. Ensuite *Epistre a Anthoine duc de Calabre*, etc. , laquelle commence le texte du poème. Quant au frontispice , il est l'ouvrage d'un graveur ancien dont la marque ou le monogramme est un *G* surmonté d'une croix à double traverse dans le milieu duquel se trouve une *S*. Il est placé au bas de l'estampe , entre les deux pieds de la figure. La même marque se voit aussi sur la 13<sup>e</sup> gravure, fol. 66, des *Heures de Notre-Dame*, par Gringolre, imprimées en 1527. — *Christ*, en son Dict. des Monogrammes, pl. IV, présente la même marque, et p. 356, même n<sup>o</sup>, il l'attribue, d'après l'Abécédaire des Peintres, à *Jean Schorel*, ajoutant que l'on trouve entr'autres la même marque sur les Douze Travaux d'Hercule, estampes signalées aussi par Florent le Comte, qui n'a pu en découvrir l'auteur.

La réimpression que nous donnons a été tirée à 66 exemplaires, savoir : 52 exemplaires sur papier vergé, 6 exemplaires sur papier vélin et 6 sur papier de couleur.

H.

*Achevé d'imprimer le 24 décembre 1832, par GARNIER fils,  
imprimeur demeurant à Chartres.*

69732971





